

武陵縣志卷之八

同治壬戌編成

陽湖 惲世臨鑒定

邑人 陳啟邁纂輯

建置志第一

古城南隅崆嶺東偏故址頽圯千八百年臨流斯築作
鎮河干設石櫃五以捍狂瀾內有兩巒外有三壇裡祀
祠宇聖壁丹椽使館公廡官閣雲連杠梁利涉棹楔華
鐫明藩肇建墟墓荒烟鋪觀興廢徵信陳編志建置

城池

縣城附府濱沅水之陰卽秦張若城遺址後唐副將沈如常

武陵縣志

卷之八

建置志

城池

一

於城之西南東南二處各建石櫃以捍水固城宋紹定四
年呂文德浚築元至順三年**璘**不花築土城明太祖取
常德路總管胡汝卽舊城修之洪武六年衛指揮孫德闢
舊基壘磚石覆串樓作六門浚濠池而制始備永樂十三
年指揮李忠重修增樓櫓正統十年指揮夏宣補修正德
二年指揮段輔修砌江岸十一年指揮陳鼎重建西門城
樓嘉靖十二年大水城圯十三年巡撫林大輅檄飭重修
崇禎四年指揮周東修砌府學城垣城下壘石爲隄十一
年邑人楊嗣昌奏請加修稿見藝文三年工竣撤舊易新極其
壯固 國朝順治十四年衛守備張靖補修北門城洞及

城門鐵葉康熙四年又請□上南門下南門城樓及城門
鐵葉五年建北門城樓六年經歷許尚忠建西門城樓九
年知府胡向華建南城下調元樓乾隆三十一年水壞筆
架城知縣王永芳請修四十八年水漲濱江多圯五十一
年知縣鄧謙利補修道光十一年水壞大西門向北知縣
盧爾秋倡修二十五年大西門右圯知縣熊浦雲倡修二
十九年慈雲菴後城壞知府劉兆璜倡修咸豐十年百子
菴北門右小西門左城俱圯知府惲世臨倡修又建六門
懸門城周九里十三步計一千七百三十三丈高三丈
尺堞口一千三百六十三座門六東曰永安下南曰臨沅

武陵縣志

卷之八

建置志

城池

二

上南曰神鼎西曰清平西北曰常武北曰拱辰東北二門
有月城又有三斗門一在清平門內一在縣學右一在百
子菴側宋元豐五年主簿李湜所開以洩城中積水賀志

增參

城濠起西門歷北門至東門水滙出七里澗其南皆臨江府志

舊城附

臨沅舊城在縣西漢置縣隋改爲武陵賀志

案統志沅水經平山卽經臨沅縣後歷枉渚則臨沅故城卽在今縣城西或謂在東者非府志

沅南故城在縣西南七十里古城山後漢置賀志

案馬援討五溪蠻築此城後置沅南縣城卽因之及隋并沅南縣於武陵宋初又分舊沅南地置桃源縣其故城不

知所在但縣本在沅水之陰則非
今桃源縣城也可知府志稿

張若城在縣東秦昭王三十年蜀守若伐取巫郡及江南為
黔中郡其時築此城東漢梁松征蠻修張若城自義陵移
郡治於此吳潘濬取武陵以郡城難固又築障城移郡居
之一統志

案通志言今府城即張若城遺址蓋潘濬移郡一城亦不過
在張若城稍西耳今府城基大固已包二城為一矣又按
史記秦本紀載蜀守注引華陽國志稱張若為蜀郡守則
若固秦臣也明統志亦言秦白起遣其將張若築此城以
拒楚是若為秦臣明甚但若築城以拒之又謂之秦使司馬
謂白起伐楚黔中楚人張若築城以拒之又謂之秦使司馬
錯伐楚黔中與張若對築一壘
不知何據府志因而述之誤矣

漢壽城縣東北六十里本漢索縣城武陵郡治焉漢順帝更

武陵縣志

卷之八

建置志

城池

三

名漢壽移荊州刺史治於此俗名崆嶲城悉為居民田業

遺址尚存

府志

案唐劉禹錫有春望詩見藝文志又案賀竒曰漢壽城所
轄龍陽縣亦有地駭焉故漢壽名鄉者武陵龍陽皆有

司馬錯城縣西南七十里秦昭王二十七年使錯發隴西兵

因蜀攻楚築此城馬援嘗修五溪咽喉

賀志錫有詩見藝文志

都尉城縣西梁置武州於武陵別置都尉領六縣陳天嘉初

以都尉所部六縣為沅州置通甯郡治都尉城今無考

府志

稿

南城在善德山上宋宣撫使韓宣以常德城守不固築此以

為犄角今名望城坡

一就志

金雞隄縣西南四十里石砌宛然相傳爲鼎城故址賀志

采菱城縣西白馬湖詳見古蹟龍志

論曰設險守國古之制也吾邑地介繁衝故自秦至今城垣代有修葺不可謂無備矣然近者甲寅之變曾不崇朝遽爲賊陷豈金湯之未固歟抑人心之不堅也聯眾志以爲體勤版築以爲用吾蓋於賢司牧有厚望焉

武陵縣志

卷之八

建置志

城池

四

武陵縣志卷之八終

同治癸亥
銀本